

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. प्रधानमंत्री नरेंद्र मोदी होर अज्ज नमीं दिल्ली च भारती कृषि अनुसंधान परिषद च एम.एस स्वामीनाथन शताब्दी अंतरराष्ट्री सम्मेलन दा उद्घाटन करडन।
2. मुखमंत्री उमर अब्दुल्ला होरें राबता दफ्तर च केई सारे प्रतिनिधिमंडलें कन्नै मलाटी कीती।
3. केंद्री रेल मंत्री अश्विनी वैश्वणव होरें आखेआ ऐ जे उधमपुर-श्रीनगर-बारामूला रेल लिंक गी विश्व स्तरीय सुरक्षा मानकें कन्नै तैयार कीता गेआ ऐ।
4. ते इक प्राइवेट स्कूल गी बच्चें गी जबरदस्ती स्कूल डायरियां बेचने पर 1 लक्ख रपे दा जर्माना लाया गेआ ऐ।
5. डोडा दे विद्यार्थिं हर घर तिरंगा अभियान तैहत लेह-चीन बन्ने पर तैनात सैनिकें लेई हत्थ कन्नै बनी दियां रक्खड़ियां भेजियां।

<><><><><><>

PM-Swaminathan

प्रधानमंत्री नरेंद्र मोदी होर अज्ज नमी दिल्ली च भारती कृषि अनुसंधान परिषद-ICAR Pusa च एम.एस स्वामीनाथन शताब्दी अंतरराष्ट्री सम्मेलन दा उद्घाटन करंगन। इस मौके पर प्रधानमंत्री होर लोकें गी संबोधित कबी करंगन। ओह खाद्य ते शांति आस्तै पैहला एम.एस

स्वामीनाथन सम्मान बी प्रदान करंगन। इस सम्मान दी शुरुआत एम.एस स्वामीनाथ अनुसंधान फाउंडेशन आसेआ ते द वर्ल्ड अकैडमी ऑफ साइंसेस आसेआ कीती गई ऐ। एहदा विशेषार ऐ सदाबहार क्रांति, जैव सुख दा रस्ता जेड़ा सब्भनें आस्तै खाना यकीनी करने दी दिशा च प्रोफेसर एम.एस स्वामीनाथ हुंदे समर्पण गी दर्शादा ऐ।

<><><><><><>

CM-Rabita

मुख्यमंत्री उमर अब्दुल्ला होरें श्रीनगर स्थित राबिता दफ्तर च कई सारे प्रतिनिधिमंडलें ते लोकें दे नुमाइंदें कन्नै गल्लबात कीती। इस दरान ढांचागत कारोबार, उच्च शिक्षा ते लोकहित कन्नै जुड़े दे कई मामलें पर चर्चा होई। विधानसभा दे कई सारे मिम्बरें फारूक अहमद शाह, सज्जाद शफी, एस.ए वाणी ते पवन गुप्ता होरें बी मुख्यमंत्री हुंदे कन्नै मलाटी कीती ते उनेंगी मुतल्लका हल्कें कन्नै जुड़े दे मामलें ते मसलें बारै अवगत करोआया। मुख्यमंत्री होरें साबका मंत्री सज्जाद अहमद किचलू हुंदे कन्नै बी मलाटी कीती ते चिनाब घाटी दे विकास सरबंधी मामलें पर चर्चा कीती।

<><><><><><>

Railway-Minister

केंद्री रेल मंत्री अश्विनी वैश्व होरें आखेआ ऐ जे हाल च चालू कीती गेदी उधमपुर श्रीनगर-बारामूला रेल संपर्क भारत दा इक बड़ा चुनौतीपूर्ण रेल प्रोजेक्ट हा जिसी कुल संसारी सतह दे सुरक्षा नियमें ते सिद्धांतें गी ध्यानै च रखदे होई तैयार कीता गया ऐ। आकाशवाणी दे जम्मू

संवाददाता नै जानकारी दिती ऐ जे कठन हिमायली पहाड़ी इलाकें च इसी तैयार करना बड़ा कठन कम्म हा पर सब्भने सुरक्षा चुनौतिएं गी ध्यानै च रखदे होई इसी मजबूत शकल देइयै तैयार कीता गेआ। 272 किलोमीटर एह परियोजनां दुनिया दा सब्भने शा उच्चा रेल पुल ऐ ते अजनी खेड्ड पर बनाया गया रेलवे दा पैहला-पैहला तारें पर टिके दा पु ऐ जेड़ा अपने आपै च इक मसाल ऐ। वैशणव होरें आखेआ जे एहदे निर्माण च 215 किलोमीटर संपर्क रस्ते न, टनल ते 320 पुल बी ऐन ते एहदे लेई 5 करोड़ ध्याड़िएं दा कम्मरोजगार बी लोकें गी थहोआ ऐ। एहदे च 66 किलोमीटर एक्केप टनल बी ऐ जेड़ा कुसै आपात स्थिति च बाहर निकलने दे कम्म आई सकदा ऐ।

<><><><><><>

Dir. Agriculture

जममू च राई-बाई सरबंधी मैहकमे दे निदेशक अनिल गुप्ता होरें कल सारे सरबंधी प्रमुखें कन्नै बैठक लाई। इस दरान मैहकमे दे कम्मकाज, चला'रदी गतिविधिएं दी अमलावरी दा जायजा लैता गेआ। बैठक गी संबोधित करदे होई निदेशक होरें पैहले सोयां तैयार रौहने, पारदर्शी ते जवाबदेई आहला नजरिया अपनाने लेई गलाया। उनें स्कीमें दी समें सिर अमलावरी ते मैहकमे बशकार अंदरूनी तालमेल पर जोर पाया तां जे करसानें गी बेहतर सेवां हासिल होई सकन। उनें जमीनी सतह पर निगरानी, उपलब्ध संसाधनें दे बेहतर इस्तेमाल करने पर बी बल दिता।

<><><><><><>

DCO-

दोआइएँ दी गैर कन्नूनी बिक्री ते तस्करी खलाफ इक तगड़ी कार्रवाई करदे होई जम्मू-कश्मीर दी ड्रग कंट्रोल आर्गनाइजेशन-डी.सी.ओ नै टेपेंटाडोल दिएं 4 ज्हार 400 टिक्कियां बरामद कीतिया न। इस टकोहदी सूह दी विनाह पर कार्रवाई करदे होई संगठन दे अधिकारिएं इक प्राइवेट कुरिअर सेवा आहले राएं लेई जा'रदी इस दोआई गी जब्त कीता ऐ। इस दोआई दा इस्तेमाल गैर कन्नूनी तौरा पर नशे लेई कीता जंदा ऐ, उआं एह दोआई Analgesic ऐ पर नशाखोर ते नशे दा कारोबार करने आहले एहदा गलत इस्तेमाल करदे न। इस दोआई गी विजन डॉक्टर दी पर्ची दे नेई बेचेआ जाई सकदा। पार्सल दे कन्नै एहदे कोई कागज पत्र बी नेई पाए गए। इस बारे मामला दर्ज करिए अगगे दी जांच जारी ऐ।

<><><><><><>

Legal-Metro

कन्नूनी नापतोल ते नियमें दी पालमा सरबंधी मैहकमे आसेआ इक प्राइवेट स्कूल पर 1 लक्ख रुपे दा जुर्माना लाया गेआ ऐ जेड़ा बच्चें गी स्कूल डाइरियां मैहंगे भाएं पर बेचने लेई लाया गेआ। हासल इक शकैत दी विनाह पर कार्रवाई करदे होई पैकेज्ड कम्मोडिआ नियम 2011 दे तैहत बच्चें गी जबरदस्ती डाइरियां बेचने पर एह कार्रवाई कीती गई जेदे बारे कोई लाजमियत आहले निर्देश बी नेई दिते गेदे। कोई बी स्कूल विजन नियमं या धोषित निर्देशों दे बैरा बच्चें गी कोई बी चीज जबरदस्ती बेची या मड़ी नेई सकदा।

<><><><><><>

Doda-Students

लेह-लद्दाख च चीन कन्नै लगदे बन्ने पर तैनात सैनिकें प्रति आभार जाहिर करने दे मकसद कन्नै डोडा जिले दे सरकारी स्कूलें दे विद्यार्थिएं 3 जहार रक्खड़ियां भेजियां न। एह गतिविधि हर घर तिरंगा अभियान तैहत कीती गई। आकाशवाणी जम्मू संवाददाता दी रिपोर्ट मूजब एहदा मकसद सैनिकें प्रति अपनी भावना, प्रेम ते आभार व्यक्त करना ऐ जेड़े मुख्यै दी सुरक्षा लेई म्हेशां बन्ने पर तैनात रौहंदे न। डिप्टी कमिशनर डोडा हुंदी दिक्ख-रिक्ख च ते स्कूल शिक्षा निदेशालय जम्मू दे सहयोग कन्नै आयोजित इस कार्यक्रम च विद्यार्थिएं ते शैक्षणिक अमले नै बंदी चढ़िये हिस्सा लैता।

<><><><><><>

Doda-HGT

डोडा दे डिप्टी कमिशनर हरविंद्र सिंह होरें हर घर तिरंगा अभियान तैहत कार्यक्रमें दी तैयारिएं दा इक बैठक दरान जायजा लैता। इस दरान एह जानकारी दिती गई जे तिरंगा रैलियां सारे ब्लाकें च 9 थमां 11 अगस्त 2025 तगर आयोजित कीतियां जाडन। एहदे राएं लोकें च देशभक्ति ते एकता दी भावना गी बढ़ावा थहोग। 12 अगस्त गी समुदायिक हाल डोडा च इक व्यापक तिरंगा रैली कड्डी जाग। इस दरान सांस्कृतिक प्रस्तुतियां, प्रदर्शनियां ते जागरूकता गतिविधिएं दा आयोजन कीता जाग। डिप्टी कमिशनर होरें सब्भनैं मैहकमें गी लोड़चदे इंतजाम करने दे निर्देश दिते न।

<><><><><><>

Poonch-Rajouri-HGT

हर घर तिरंगा अभियान दे तैहत समूलचे जम्मू प्रांतै च लोकें अंदर जोश दिक्खने गी लब्बा'रदा ऐ। 2 अगस्त कोला 15 अगस्त तोड़ी चलने आहले इस अभियान दे तैहत लोकें अंदर बड़्डे पैमाने पर इस अभियान बारै जागरूकता पैदा कीती जा'रदी ऐ ते लोकें अंदर देश प्यार ते देशभक्ति दा जज्बा साफ दिक्खने गी लब्बै करदा ऐ। स्कूलें, सार्वजनिक थाहरें, दफ्तरें ते होरनें थाहरें तिरंगे लहरांदे नजरी आवा करदे न। इस सिलसिले च राजौरी ते पुंछ जिले च बी मता उत्साह दिक्खने गी लब्बा करदा ऐ। स्कूलें च राखी ते रंगोली प्रतियोगिता कराइयां जा'रदियां न जिंदे च विद्यार्थी बधी चढ़िए हिस्सा लै करदे न। राजौरी ख् बाबा गुलाम शाह बादशाह यूनिवर्सिटी च बी हर घर तिरंगा रैली दा सरिस्ता कीता गेआ। इस मौके रौशनिएं दा इस्तेमाल करिए इक शानदार नजारा तैयार कीता गेदा हा जेदे नै चबक्खिय देशभक्ति दे रंग खिल्लरे दे नजरी आए।

<><><><><><>

Horti Deptt.

मैहकमा बागवानी रामबन जिले दे करसानें गी अपने उत्पाद गी बजारै तगर पुजाने च केई चाल्ली मदद करा करदा ऐ ते बायर सैलर मीट यानि विक्रेता ते खरीदारें दी मलाटी इस्सै भेठा इक शानदार कोश्ट ऐ। एहदा मकस करसानें गी कृषि बपार भ्याल कन्नै करसानें दा संपर्क कराइयै उनेंगी उन्दे उत्पादें गी बेचने च मदद करना ऐ। एहदे च करसान, बागवाने, फल उत्पादकें, बपारिएं, निर्यातकें ते कृषि उद्यमिएं ते परचून विक्रेताएं कन्नै संपर्क राएं उंदी मदद करना ऐ। इस बारै होर मती जानकारी कन्नै इक लाभर्थी करसान मोहम्मद कासिम।

<><><><><><>

साहित्य अकादमी नै बरें 2026 दे युवा पुरस्कार लेई मान्यता हासिल सब्भनें 24 भाशाएं च पैहली जनवरी 2026 गी 35 बरें तगर ते औहदे थमां घट्ट उम्मी दे युवा भारती लेखकें दिएं कताबें गी भेजने दा साद्दा दिता ऐ। लेखक दी उम्र 35 बरें जां फी औहदे थमां घट्ट होनी लोड़चदी। दरखास्त जमा करोआने दी खीरी तरीक 31 अगस्त 2025 ऐ। होर जानकारी लेई इच्छुक आवेदक साहित्य अकादमी दी वेबसाइट www.sahitya_akademi.gov.in पर दिक्खी सकदे न।

<><><><><><>